

Mumin Mirzo M. ABDUPATTAYEV,
*Teacher of the International
 Islamic Academy of Uzbekistan.
 A.Kadiri str. 11, 100011,
 Tashkent, Uzbekistan.
 E-mail:mirzo21@umail.uz*

DOI: 10.47980/MOTURIDIY/2022/4/13

XI–XII АСРЛАРДА ХУРОСОНДАГИ ДИНИЙ-ИЖТИМОИЙ ЖАРАЁНЛАР

RELIGIOUS-SOCIAL PROCESSES IN KHORASAN IN THE XI–XII CENTURIES

РЕЛИГИОЗНО-СОЦИАЛЬНЫЕ ПРОЦЕССЫ В ХОРАСАН В XI–XII ВВ

КИРИШ

Салжуккийлар давлати номи кўчманчи турк-үғуз қабиласининг қиник ёки киник уруғи бошлиғи Салжук(бек) ибн Дукак (Тукак) номидан олинган (В.Бартольд, 1963:566). Форс-араб манбаларида Салжукнинг исми қўйидаги шаклларида учрайди.

سلجوک، سلجک، سلچوق، سلچوق، سلچوق

Салжук ўзи учун Сирдарё бўйидаги марказ сифатида Жанд шахрини танлаган. Салжукнинг беш нафар Микоил, Арслон (Исройл), Мусо, Юсуф ва Юнус исмли ўғиллари бўлган. Вориси Арслон Ябгу эса, ўзига Бухоро яқинидаги Нур қалъасини марказ-қароргоҳ қилган.

Киник қабиласининг ҳарбий куч-кувватидан хабардор бўлган сомонийлар ҳукмдори Исмоил ибн Нуҳ Мунтасир қораҳонийларга қарши курашда Салжукдан ёрдам сўрайди. Салжук ва сомонийларнинг бирлашган қўшини 1003 йил август ойида Самарқанддан 42 км узоқликда қораҳонийлар устидан ғалаб қозонадилар (Ибн Асир, 1987:16). Шундай қилиб, қиник қабиласи Самарқандга кириб келган. Салжук 1007 йилда вафот этганидан сўнг, Арслон Ябгу қабила бошлиғи бўлади. Сомонийлар давлати қулагайндан кейин, Арслон Ябгу 1020–1021 йиллар оралиғида қораҳонийлар ҳукмдори Али Тегин билан иттифок тушиб, қабиласини Жанддан Бухорога кўчиради. 1024 йилда қораҳонийлар давлати тахти учун бошланган курашда Али Тегиннинг укаси Юсуф ибн Ҳорун ғалаба қозониб, ғазнавийлар ҳукмдори

Махмуд Ғазнавий ёрдамида Бухорони эгаллаб, Қодирхон” номи билан тахтга ўтиради. Али Тегин эса қочиб кетади. Арслон Ябгу асирга олинади ва Ҳиндистоннинг Мўлтон қалъасида 1032 йилда вафот этади (Ибн Асир, 1987:239).

Салжукнинг ўғли Микоилнинг фарзандлари Тўғрулбек (Мухаммад) (1040–1063) ва Ҷағрибек (Довудбей)лар Арслон Ябгудан сўнг қабила сардорлари бўладилар. Улар ғазнавийлар билан яқин бўлиш сиёсатини олиб бордилар. Махмуд Ғазнавий Тўғрулбекни Хуросон ноиби деб эълон қилган. 1030 йилда Махмуд Ғазнавий вафот этгач, ғазнавийлар тахтини Махмуд Ғазнавийнинг ўғли Масъуд эгаллайди. 1035 йилда Султон Масъуд Нисо шахрида салжуқийлар ерларига ҳужум қилганидан сўнг, Тўғрулбек билан ўрталарида зиддият ва келишмовчиликлар пайдо бўлади. Оқибатда 1038 йилда Тўғрулбек Нишопурга ҳужум қилиб, шаҳарни эгаллаб олади. 1040 йилда Султон Масъуд Дандакон жангидаги Тўғрулбекдан мағлубиятга учрайди. Шундай қилиб, Хуросон, Ҳоразм, Ғарбий Эрон, Озарбайжон ва Ирок ўлкаларидан иборат катта худудда “Буюк салжуқийлар давлати” ташкил топди (Агаджанов, 1991:51). Нишопур давлат пойтахти деб эълон қилинади. Тўғрулбек укаси Ҷағрибекни Сараҳс, Балх ва маркази Марв шахри бўлган Амударё ва Ғазна оралиғига ҳоким этиб тайинлайди.

1041–1043 йилларда салжуқийлар Журжон, Ҳоразм, Исфаҳон ва Ҳамадон шаҳарларини эгаллаб олдилар. Пойтахт Нишопурдан Райга кўчирилди. 1045 йилда Мосул эгалланди.

1047 йилда Тўғрулбек жияни Ҳасан бошчилигига Византия империясига қарши қўшин жўнатади. Бу даврда Византия императори Константин Монамахга қарши Болқонда Лев Торник кўзғолони бошланган эди. Вазиятдан унумли фойдаланган салжуқийлар Арзирумгача етиб бордилар. Ўша давр арман тарихчиси Аристакэс Ластиверци салжуқийларнинг бу ғалабасини шундай таърифлайди: “Туркистондан улкан қўшин кўчиб келди, уларнинг отлари бургутдек тез, туёклари тошдек мустаҳкам. Уларнинг камонлари каттиқ чўзилган, ўқлари учли, белларига маҳкам боғланган, этикларининг тасмалари узилмайди” (Аристакэс, 1968:86–87).

Бироқ, кўп вақт ўтмай салжуқийлар Византия қўмондони Васпуракан Ахарон томонидан Катта Зав дарёси бўйидаги жангда мағлубиятга учраб, улкан худудларни қўлдан чиқарадилар.

Аннотация. Уибү мақолада XI–XII асрларда Хурасон минтақасыда ҳұмронник қылған салжуқтілар сулоласи давридаги ижтимоий-диний вазият таңылған қылған. Маълумки, салжуқтік түркклар XI аср 30-ишилларида ҳарбий хизматлари эвазига Хурасонда газнавийлардан мұлкілар олишиди. 1038 йили улар Нишапурни әгаллааб, ўз раҳбарлари Тұғрулбекни сұлтон деб эълон қылади. Салжуқтілар секин-аста бутун Хурасонни, Хоразмни бўйсундириб, Ғарбий Эрон, Озарбайжон ва Ироқни Бағдод билан бирга босиб оладилар. Аббасийлар халифаси Тұғрулбекни сұлтон ҳамда «Шарқ ға Ғарб подшоҳи» деб тан олишига мажсбур бўлади. Тұғрулбек Рай шаҳрини, унинг укаси Чагирбек Марвни ўзларига пойтахт қылади. Алп Арслон (1063–1072) ва Маликшоҳ I (1072–1092) даврида салжуқтілар Арманистанни әгаллаидилар, Византия (Рум)ликларни енгіб, бутун Кичик Осиёни, кейинчалик Сурия ва Фаластинни босиб оладилар. Улар Грузия, Ширвон ва Мовароуннахрни ўзларига бўйсундириб, у ерлардаги ҳұмдорларни ўз вассалларига айлантирадилар. Салжуқтілар қўшиналари Арабистон яриморолидаги Яман ва Баҳрайн ерларини ҳам ўз тасарруфларига олади. 1074 йили Термиз, Бухоро, Самарқанд, кейинчалик Фарғонани ишғол этади. Маликшоҳ I ҳұмронлигіда салжуқтілар ҳарбий-сиёсий жиҳатдан жуда кучли бўлган. Пойтахт Исфаҳонга кўчирилган. Сұлтон Санжар даврида эса, мамлакат пойтахти Исфаҳондан Марвга кўчирилган. Салжуқтілар давлатидаги диний-ижтимоий вазият ҳам айнан Сұлтон Санжар даврига келиб мураккаб тус олган. Мақолада мана шу жиҳатлар ҳақида баҳс қылнади.

Калит сўзлар: салжуқтілар, Хурасон, карромийлик, ботинийлик, Малазгирт, Низомия мадрасаси, мўътазилийлик, Ҳасан Саббоҳ.

Annotation. This article discusses the socio-religious situation during the Seljuk dynasty, which ruled the Khorasan region in the XI–XII centuries. It is known that the Seljuk Turks received property from the Ghaznavids in Khurasan in the 30s of the 11th century in exchange for their military services. In 1038, they occupied Nishapur and declared their leader Toghrilbek as the sultan. The Seljuks gradually subjugated all of Khurasan and Khorezm and conquered Western Iran, Azerbaijan and Iraq along with Baghdad. The Abbasid caliph was forced to recognize Tughrilbek as the sultan and the "King of the East and the West". Toghrilbek made the city of Rai and his brother Chaghribek Marv their capital. During the reign of Alp Arslan (1063–1072) and Malikshah I (1072–1092), the Seljuks occupied Armenia, defeated the Byzantines (Romans), conquered the whole of Asia Minor, and later Syria and Palestine. They subjugated Georgia, Shirvan and Mavarounnahr and made the rulers of those lands their vassals. The Seljuk forces also took control of the lands of Yemen and Bahrain in the Arabian Peninsula. In 1074, they occupied Termez, Bukhara, Samarkand, and later Ferghana. During the rule of Malikshah I, the Seljuks were very powerful in terms of military and politics. The capital was moved to Isfahan. During the reign of Sultan Sanjar, the capital of the country was moved from Isfahan to Marv. The religious and social situation in the Seljuk state also became complicated during the reign of Sultan Sanjar. These aspects are discussed in the article.

Keywords: Seljuks, Khorasan, karromism, batinism, Malazgirt, Nizami madrasa, mu'tazilism, Hasan Sabbah.

Аннотация. В данной статье рассматривается социально-религиозная ситуация во времена династии сельджуков, правившей Хорасанским регионом в XI–XII веках. Известно, что тюрки-сельджуки получили имущество от Газневидов в Хорасане в 30-х годах XI века в обмен на свои военные услуги. В 1038 году они заняли Нишапур и объявили султаном своего предводителя Тогрулбека. Сельджуки постепенно подчинили себе весь Хорасан и Хорезм, завоевали Западный Иран, Азербайджан и Ирак вместе с Бағдадом. Аббасидский халиф был вынужден признать Тугрулбека султаном и «царем Востока и Запада». Тогрулбек сделал своей столицей город Рай и столицей своего брата Чагирбека Марва. В годы правления Алп-Арслана (1063–1072) и Маликшаха I (1072–1092) сельджуки оккупировали Армению, разгромили византийцев (римлян), завоевали всю Малую Азию, а позднее Сирию и Палестину. Они подчинили себе Грузию, Ширван и Мовароуннахр и сделали правителей этих земель своими вассалами. Силы сельджуков также взяли под свой контроль земли Йемена и Баҳрейна на Аравийском полуострове. В 1074 году они заняли Термез, Бухару, Самарканд, а затем и Фергану. Во времена правления Маликшаха I сельджуки были очень сильны в военном и политическом плане. Столица была перенесена в Исфахан. При султане Санджаре столица страны была перенесена из Исфахана в Марв. Религиозная и социальная ситуация в сельджукском государстве также осложнилась в период правления султана Санджара. Эти аспекты обсуждаются в статье.

Ключевые слова: сельджуки, Хорасан, каррамизм, батинизм, Малазгирт, медресе Низамия, мутазилиты, Ҳасан Саббах.

Бу мағлубиятдан сүнг Тұғрулбек Иброҳим Инал бошчилигіда иккінчи қүшинни Арзірумга юборади. 1048 йилда бўлиб ўтган навбатдаги жангда византиялар маглубиятга учрайди. Шарқий Онадўли ерларига қадар салжуқий аскарлари кириб бориши. Салжуқийлар катта ўлжалар билан Райга қайтганлар (Мустафаев, 2017:38).

Бу даврда халифалик пойтахти Бағдодда сиёсий вазият анча оғир бўлиб, аббосийлар халифаси фақат номигагина ҳукмдор, ҳақиқий ҳокимият эса шиа/рофизийлардан бўлган буидлар қўлида эди. Буидлар Бағдодда ўз ҳукмронликларини 945 йилда ўрнатган эдилар. Ахмад ибн Бувайх халифа ал-Мустакғий Биллахни ҳокимиятдан четлаштириб, ўзини “Амир ал-умаро” (Амирларнинг амири) ва “Муиззуддавла” (Давлатнинг иззати) деб номлаб, ҳокимиятни эгаллаб олганди. Буидлар Бағдодда хеч қандай сиёсий кучга эга бўлмаганларни халифа қилиб сайлашди.

Буидлар Бағдод ва бошқа суннийлар яшайдиган шаҳарлар масжидлари эшикларига Абу Бакр, Умар ибн Хаттоб, Усмон ибн Аффон ва Муовия ибн Абу Суфёнга нисбатан ҳакоратли сўзларни ёздирдилар. Улар Миср ва Шимолий Африкада ҳукмронлик қилаётган шиа/исмоилий бўлган фотимиylар билан иттифоқ туздилар. Бу иттифоқ аббосийлар ва бошқа сунний эътиқоддаги давлатлар учун хавф туғдирап эди.

1055 йил ал-Қоим Биамриллоҳ (1031–1075) Тұғрулбекка хат ёзib, буидларга қарши курашда ёрдам сўрайди. 1055 йил декабрь охирида салжуқийлар ва халифанинг қўшинлари Бағдодда буидларнинг сўнгги амири Малик ар-Рахим Ҳусрав Фирузни (1048–1055) енгиб, уларнинг 113 йил давом этган ҳукмронлигига нукта кўйди. Малик ар-Рахим олти йилу ўн кунлик ҳукмронлигидан сўнг, хибсга олинди ва 1058 йилда Сиравон қальясида тутқунликда вафот этади (Ибн Асир, 1987:324).

АСОСИЙ ҚИСМ

Инглиз шарқшунос тарихчиси Клиффорд Эдмунд Босворт “Янги мусулмон сулолалар” (“The new Islamic dynasties”) асарида: “Тұғрул ҳокимият тепасига келгач, суннийлик мазҳабини ҳимоя қилиш ва аббосий халифаларни шиа мазҳабига мансуб буидлар васийлигидан кутқариш биринчи

галдаги вазифаси эканлигини қатъийлик билан таъкидлади. Бу сиёсат унга салжуқийлар Фарбий Эронда дайламийларга қарши ҳаракат бошлаганида суннийлардан ёрдам олишда жуда қўй келди. 1055 йилда Тұғрул Бағдодни эгаллади ва халифа унинг султонлик унвонини тасдиқлади. Бир неча йил ўтгач, буидлар сулоласининг Форс ерларидаги ҳукмронлиги тутатилди” (Boswort, 1996:314) – деб, Тұғрулбекнинг халифага ёрдам бериш сабабини келтиради.

Фалабадан сўнг халифа ал-Қоим Тұғрулбекка Султон, “Рукн ад-давла” (Давлат устуни) ва “Малик ал-машриқ ва-л-мағриб” (Шарқ ва Фарб подшохи) унвонлари билан сийлаб бериб, ўз қизини ҳам никоҳлаб беради (Агаджанов, 1991:66). Ўз ўрнида халифа Чагрибекнинг қизи Хадича Арслон Хотунни никоҳига олди. Никоҳ орқали боғланган бу иттифоқ салжуқийларнинг обрўсини янада ошириб юборди. Салжуқийлар узок муддат Бағдодда қолдилар.

1057 йил декабрь ойида Султон Тұғрулбек бир қанча аскарларини Бағдодда қолдириб, ўзи ҳажга кетади. Аллома Ибн Асир “ал-Комил фи-т-тарих” асарида, Бағдодда қолган салжуқийларнинг аскарлари катта талончилик қилганини, бунинг натижасида нарх-наво кўтарилиб кетганини ва халифа бунга жавобан Тұғрулбекка, “Ё бу бузғунчиликларни тугат. Ёки барча аскарларинг Бағдоддан чиқиб кетсин”, деб хат ёзганини келтиради (Ибн Асир, 1987:332). Тұғрулбек халифадан узр сўраб, дарҳол жавоб мактуби жўнатади. 1057 йил январь ойида салжуқийларнинг барча аскарлари Бағдодни тарқ этади.

Ички сиёсатда фотимиylарга, ташки сиёсатда эса Византияга қарши курашган салжуқийлар сунний мазҳабларнинг тарқалишига шарт-шароит яратиб бердилар. Барча султонлар ҳанафий мазҳабига каттиқ амал килганлар. Мазҳабга амал килишдаги бу жиҳат, 1055 йилда Султон Тұғрулбекнинг буйруғи билан Бағдод қозиси, шофеий олим Ибн Макула номи билан танилган Абу Наср Али ибн Ҳибатуллоҳ ибн Али ал-Ижлий вафот этгач, унинг ўрнига ҳанафийлардан бўлган Абу Абдуллоҳ Домағонийнинг қози этиб тайинланишида кўринади. Бу жараён мамлакатда ҳанафийлар ва шофеийлар ўртасида рақобат борлигини намоён этарди. Бу рақобат султоннинг вазири, британиялик шарқшунос олим Уильям Монтгомери Уаттнинг фикрича, фикҳда ҳанафий, ақидада мўътазилий бўлган Амидулмулк Кун-

дурый (Montgomery Watt, 1963:38-57) томонидан шофеийларни очиқдан-очиқ танқид қилишгача олиб борди.

Иbn Асир: “Түғрулбекнинг вазири Амидулмулк ўзига шофеийларни душман деб билар эди. У султондан Хуросон масжидларида рофизийларни танқид қилишга изн сўради. Султондан рухсат олган Амидулмулк рофизийлар билан бирга қўшиб ашъарийларни ҳам танқид қила бошлади. Вазирнинг бундай қилишига сабаб Нишопур раисларидан, шофеий мазҳабида бўлган Абу Саҳл Найсабурийнинг келажакда вазир бўлишидан хавфсирагани эди. Натижада Имом Жувайнин, Абу Суҳайл Муваффақ, Абул Қосим Кушайрий ва Имом Байҳақий каби шофеий мазҳабининг етук намояндлари Ҳижоз ўлкасига кетишга мажбур бўлдилар. Бу ҳолат Алп Арслон тахтга чиқиши ва шофиий бўлган Низомулмулк вазир этиб тайинлангунига қадар давом этган. Баъзи ривоятларга кўра, Амидулмулк шофеийларга бундай муомаласи учун тавба қилган” (Иbn Асир, 1987:365).

Султон Тўғрулбекнинг даврида илм-фанга ҳам эътибор берилган. Давлатдаги биринчи мадраса 1046 йилда султон буйруғига асосан Нишопурда қурилган (Ali Öngül, 2003:69). Тўғрулбек даврида Фахриддин Журжоний (ваф. 446/1054), Абул Аъло ибн Ҳассул (ваф. 450/1058), Али ибн Ҳасан Боҳарзий (ваф. 467/1075) каби олимлар фаолият олиб боришган.

Султон Тўғрулбек 1063 йил Рай шаҳрида вафот этади. Вафотидан аввал фарзанди бўлмагани учун укаси Ҷағрибекнинг ўғли Сулаймонни валиаҳд деб тайинлаган эди. Султоннинг вафотидан сўнг вазир Амидулмулк Сулаймонни ҳукмдор деб эълон қилди. Укасининг тахтга чиққанидан ҳабар топган Ҷағрибекнинг яна бир ўғли Марв ҳокими Алп Арслон (1063–1072) Эрон шарқидаги Қазвин шаҳрида ўзини султон деб эълон қилди ва ўз номига хутба ўқиттирди (Агаджанов, 1991:81). Шу йили Райга қўшин тортиб келиб, укасини тахтдан ағдарди ва “Буюк салжуқийлар давлати”нинг иккинчи султони бўлди. Султон Алп Арслон даврида салжуқийлар салтанати Амударёдан Дажла дарёсигача бўлган катта худудлардан иборат эди. Пойтахт Рай шаҳридан Нишопурга кўчирилди.

Рофизийларни танқид қилиш баҳонасида шофеийларни ҳам сиёсий майдондан четлатган Амидулмулк Кундурий қатл қилинади. Унинг ўр-

нига “Низомулмулк” номи билан танилган Абу Али Ҳасан ибн Али ибн Исҳоқ ат-Тусий вазир этиб тайинланади. 1064 йилда Алп Арслон Бағдодга бориб, халифадан “Зиёуддин” (Диннинг зиёси) увонини қабул қиласи. 1066 йилда Орол денгизидан Каспийгача, Хоразмдан Итил дарёсигача бўлган худудларда карвонларни ҳимоя қилувчи қўшин тузилади.

1067 йилда салжуқийлар Византияга яна бир марта хужум қилиб, Карс шаҳрини босиб оладилар. Гуржистон қироли салжуқийларга таслим бўлади. 1070 йилда Мисрни фотимиийлардан озод қилиш учун урушга отланган салжуқийлар, Малазгирт текислигида Византия императори Роман Диоген (1068–1071) қўшинига дуч келишади. Жангда византияликлар енгилди, окибатда бутун Шарқий Онадўли ерлари салжуқийлар таъсири остига ўтди.

МУХОКАМА

Британиялик тарихчи, “Византия тарихи ва салб юришлари даври” мутахассиси Сер Стивен Рансимен ўзининг “A History of the Crusades” (Салиб юришлари тарихи) номли китобида Малазгирт жанги тўғрисида бундай ёзади: “Малазгирт жанги Византияning ҳалокатига сабаб бўлди. Византияликлар бундай бўлишини кутмаган эдилар. Тарихчилар эса, ўша куннинг даҳшатини ҳалигача унута олганлари йўқ. Бу мағлубият Византияни “христиан олами қўриқчиси” номидан маҳрум қилди. Туркларнинг ғалабаси, уларга нисбатан Византия ва фотимиийлардан келадиган хавфни бартараф этган эди” (S.Runciman, 1951:64).

“Малазгирт – Византия чегараларини бузиб юборган, туркларнинг Кичик Осиёга киришларига йўл очиб берган, ислом чегараларини кенгайтиришда янги босқични бошлаб берган жангдир” (Carter V. Findley, 2005:71), деб ёзади, америкалик тарихчи Картер Файндлей.

Византияning мағлубияти Кичик Осиёдаги мавқеига птурт етказган бўлса, салжуқийларнинг гарбий чегаралари мустаҳкамланган эди. Шундан сўнг, салжуқийларнинг Кичик Осиё худудларига кўчиб бориши бошланди.

Султон Алп Арслон бутун мамлакатда илм-фанга ҳомийлик қилди. Унинг даврида кўплаб шаҳарларда “Низомия” мадрасалари қурилди. Илк мадраса 1067 йилда Бағдодда кейинчалик Рай, Нишопур, Марв, Балх, Хирот, Басра, Исфаҳон ва

Мосул каби шаҳарларда қад ростлади. Амакиси давридаги сиёсатдан фарқли равища, тўрт мазҳаб уламолари “Низомия” мадрасаларига жалб қилинди. Тўғрулбек даврида ҳайдалган кўплаб уламолар ватанга қайтарили ва улар учун мадрасалар бунёд этилди. Тўғрулбек давридаги фикрий низоларга тўлақонли барҳам берилди.

Турк тадқиқотчisi Невзат Кўсўғлу бундай дейди: “Ушбу мадрасаларни тамомлаган мударрислар, имомлар, воизлар халқнинг эътиқоди ва турмуш тарзини шакллантиришда асосий омил бўлишган” (Kösoğlu, 1991:68). “Низомия” мадрасаларида диний илмлардан ташкари, адабиёт, математика, астрономия ва фалсафа каби фанлар ҳам ўқитилган.

Мадрасаларнинг асосий фаолиятиро физий ва ботинийларга радия бериш бўлган (Субкий, 1964:313–314). Мадрасалар ҳам айнан шиалик кент тарқалган шаҳарларда қурилгани буниинг далилидир. Мадрасалар мударрислигига суннитликнинг етук уламолари тайинланган. Жумладан, Имом ал-Ҳарамайн Жувайний (1028–1085) Нишопур мадрасасида, Абу Исҳоқ Шерозий (1003–1083) ва Имом Фаззолий (1058–1111) Бағдод мадрасасида, Абу Бакр Шоший (1030–1109) эса Марв мадрасасида мударрислик қилган (Халликон, 2007:216–219).

1072 йилда Султон Алп Арслон вафот этганидан сўнг таҳтга ўғли Маликшоҳ (1072–1092) ўтириди. Султон Маликшоҳ 1074 йили Термиз, Бухоро, Самарқанд, кейинчалик Фарғонани эгаллаган. Маликшоҳ хукмонлигига салжуқийлар ҳарбий-сиёсий жиҳатдан жуда кучли бўлган. Пойтаҳт Нишопурдан Исфаҳонга кўчирилган. Маликшоҳ ҳам Низомулмulkни ўзининг вазири деб эълон қилган. Отаси каби илм-маърифатга ҳомийлик килган.

Усмонийлар даври тарихчиси Аҳмад ибн Маҳмуд (ваф. 1570) ўзининг “Салжуқнома” асарида Низомулмulkнинг илм-маърифатга қўшган хизматларини қўйидагича келтиради: “Низомулмulkнинг илм-фанга ҳомийлигини кўра олмаганлар султонга, “Низомулмulk ҳазинанингиздан ҳар йили Куръон ҳофизлари, факиҳлар ва сўфиларга 300 минг динор пул сарфлайди. Агар бу пуллар аскарларга сарф қилинса, Константинополни фатҳ қилишимиз мумкин”, деган мазмунда хат жўнатишган. Низомулмulk Султон Маликшоҳга ушбу хат юзасидан шундай жавоб беради: “Эй оламлар султони! Аллоҳ сизга ҳам,

менга ҳам бандаларининг бирортасида бўлмаган неъматлар ато қилди. Сиз эса, Аллоҳнинг Китобини ёд олганлардан 300 минг динорни кўп кўрасизми? Сиз аскарлар учун бундан икки баравар кўп пул сарфлайсиз. Бироқ уларнинг энг мергани отган ўқ бир чакиридан нарига бормайди. Мен эса, бу пуллар билан шундай “кўшин” тузаманки, уларнинг илмлари ўқ каби Аллоҳнинг Аршига қадар кўтарилишига ҳеч нарса тўsicк бўла олмайди”. Султон Маликшоҳ Низомулмulkка: “Сизлар қўлингиздан келганича бу “кўшин”нинг сонини кўпайтиринглар. Мен сизларга хоҳлаганингизча бойлик бераман. Дунёнинг бойликлари сизларники”, деб жавоб беради” (Mahmud, 2011:142–144).

Султон Маликшоҳ даврида Исфаҳонда расадхона ва Табаристонда мадраса қурилган. Инглиз шарқшуноси Генри Жорж Равертий ўрта аср мусулмон тарихчиси Минҳожиддин Жузжонийнинг “Табақоти Носири” китоби таҳқиқида Султон Маликшоҳ давридаги илм-фан тараққиётини шундай баҳолайди: “Султон Маликшоҳдан дунёда кўп яхши ишлар қолди. Нужум илмидаги хатолар тузатилгани шулардан биридир. Нужум ва хисоб илми уламолари Маликшоҳ буйруғи билан юлдузларни кузатишнинг янги усулини ишлаб чиқдилар ва ой кунларини янгидан белгиладилар. Давлат учун янги “Жалолий” тақвими ишлаб чиқиди” (H.G.Raverty, 1873:142).

Султон Маликшоҳдан сўнг таҳт учун бошланган ички курашлар оқибатида салжуқийлар илмий муҳитида турғунлик даври юзага келди. Маҳмуд I (1092–1093), Беркярук (1094–1105), Маликшоҳ II (1105) даврларида турғунлик давом этди. Муҳаммад Тапар (1105–1118) хокимиятга келгандан сўнг илм-фан, маданият яна юксала бошлади. Бу даврда ҳам асосан Султон Маликшоҳ давридаги олимлар фаолият олиб боришади.

Имом Фаззолий форс тилидаги “ат-Тибр ал-масбук фи насиҳат ал-мулук” асарини, Ибн Балхий ўзининг “Форснома”сини Муҳаммад Тапарга бағишилаганлар (Özaydin, 1990:151–152). Муҳаммад Тапар ҳар бир “Низомия” мадрасаларининг атрофига сўфийлар учун работлар қурдирган.

Муҳаммад Тапар 1118 йилда вафот этди. Бу даврга келиб, салжуқийлар давлати иккига бўлиниб, Ғарбий Эрон, Ироқ ва Озарбайжонни Ироқ султонлиги (1118–1194) номи билан Муҳаммад Тапарнинг ўғли Маҳмуд II (1118–1131) бошқарди. Ҳамадон Ироқ султонлигининг

пойтахти этиб белгиланди. Хурросон, Сижистон, Хоразм ва Мовароуннахрда Маликшоҳнинг ўғли Аҳмад Санжар (1118–1157) султон этиб эълон килинади. Султон Санжар Марвни ўз давлатининг пойтахти деб эълон қилди. Султон Санжар вафотидан сўнг (1157) салжуқийларнинг Хуросондаги хукмронлиги тугайди. 1194 йили Хоразмшоҳ Такаш Ироқ султонлигини тор-мор қилди. Салжуқийларнинг яна бир давлати Кўня султонлиги эса, XII асргача хукм сурди.

НАТИЖА

Султон Санжар даври салжуқийлар давлатининг энг гуллаган даври ҳисобланади. Отаси каби у ҳам илм-маърифатга ҳомийлик қилган. Султон Санжар Хуросонга нафакат мусулмон олимларини, балки бошқа дин вакилларини ҳам тақлиф қиласа эди. Олимларга катта ҳурмат ва эътибор қаратар эди. “Бу ер (Хурросон) илм маскани, фазилат манбаи ва қасб-хунар ўлкаси эди” (Ровандий, 2005:167). Султоннинг саройида мусулмон бўлган олимлардан ташқари бошқа дин вакиллари ҳам фаолият олиб борган. Шулардан бири қибитийлардан бўлган табиб Ибн Тилмиз Ҳибатуллоҳ ибн Сайд (1073–1165) Султон Санжарнинг энг ишончли табибларидан бўлган.

Султон Санжарнинг олимларга ҳурмати баланд бўлган. Мазҳаблар ўртасидаги фикрий қурашларга аралашибдан кўра, уламоларга эргашар эди. Нишопурда бўлган ҳанафийлар ва шофеийлар ўртасидаги баҳс-мунозаларга ҳам аралашибган. Имом Фаззолий ва Юсуф Ҳамадоний каби буюк олимлар билан яхши муносабатда эди. 1110 йилда Самарқандда бўлган Юсуф Ҳамадонийга 50 минг динор пул ва мактуб жўнатган. Мактубида ўзининг ҳаққига дуо қилишни сўраган.

Султон Санжар олимлар, табиблар ва файласуфларга хазинадан 700 минг динор, 1000 дона кийим-бош, кўплаб отлар ва бошқа қимматбаҳо буюмлар тарқатар эди. Хазинабон хазина бўшаб колаётганини айтганда, “Мени мол-мулкка мойил дессангиз, бу тўғри эмас. Мана бу кийим-бошларни тарқатинглар”, деб жавоб берган (Хусайнӣ, 1984:125–127).

Шофеийлик мазҳаби асосан Ҳижоз ва Мисрда тарқалгани билан, салжуқийлар барча шофеий олимларга ҳурмат билан муносабат билдиранлар. 1058 йилда Алп Арслон Имом ал-Ҳарамайн

Имом Жувайний шарафига Нишопурда мадраса курдиран (Bulliet, 1972:73).

X–XI асрларда Хурросон мінтақасида диний-сиёсий вазият мураккаб эди. Бу ҳудудда ҳукм сурган сомонийлар ва ғазнавийлар суннийлик таълимотига амал қилишган бўлса-да, улар карромийлар фирмаси ўз гояларини тарқатишига тўсқинлик қилишмаган. Хуросоннинг марказий шаҳарларидан ҳисобланган Нишопур карромийлар фирмасининг маркази ҳисобланган. Бунинг сабаби эса, уларни Сомоний ва Ғазнавий ҳукмдорлар кўллаб-куватлаб туриши эди (Макдисий, 1991:329–336). Сомонийларнинг Нишопурдаги волийси Мухаммад ибн Иброҳим Симжурнинг (948–989) саройида карромийларнинг вакили ибн Муҳожир билан шофеий мазҳаби факихи, ашъарий таълимоти мутакаллими, “ал-Фарқ байн ал-фирақ” асари муаллифи Абдулқоҳир Бағдодий ўртасида “Аллоҳга жисм нисбат бериш мумкинми ёки йўқми?” мавзусида кўплаб баҳс-мунозара бўлиб ўтган (Бағдодий, 1995:224). Сомонийлар давлати тугатилганидан сўнг карромийлар ғазнавий ҳукмдорлардан сиёсий ёрдам олишга муваффақ бўлишган.

АҚШнинг New Mexico университети профессори, исломшунос олим Маргарет Маламуд ўзининг “The Politics of Heresy in Medieval Khurasan: The Karramiyya in Nishapur” (Ўрта аср Хуросонидабидъатсиёсати: Нишопуркарромияси) номли мақоласида ғазнавийлар сулоласи асосчиси Сабуктегин карромия эътиқодини қабул қилганини қайд этган. Мақолада: “Дарҳақиқат, ғазнавийлар асосчиси Сабуктегин Муҳаммад ибн Карромнинг издоши бўлгани ва карромийликни қабул қилгани манбаларда учрайди”, дейилган (Malamud, 1994:41).

Британия фанлар академияси академиги Клиффорд Эдмунд Босворт ўзининг “The Ghaznavids, their empire in Afghanistan and Eastern Iran 994–1040” (Ғазнавийлар, уларнинг 994–1040 йилларда Афғонистон ва Шарқий Эрондаги хукмронлиги) номли китобида карромийларга ғазнавийлар томонидан ҳомийлик кўрсатилгани тўғрисида маълумотлар берган (Bosworth, 1992:185–189).

1096 йилда карромийларнинг эътиқодлари-га қарши ҳанафийлар ва шофеийлар иттифоқ тузадилар (Bulliet, 1972: 38–39). 1100 йилда шофеийларнинг етакчиси Имом ал-Ҳарамайн Жувайнийнинг ўғли Абул Қосим ҳамда ҳана-

фийларнинг раҳбари Қози Мухаммад ибн Аҳмад ибн Саид бошчилигидаги суннийлар билан карромийлар ўртасида бўлиб ўтган баҳс-мунозарада карромийлар енгилиб, Нишопурни тарқ эта бошлаган.

Нишопурда карромийларнинг Абу Жаъфар Аҳмад ибн Ҳарб, Муҳаммад ибн Кэрром, Абу Ёъкуб Исҳоқ ибн Маҳмашоз, Абу Бакр Муҳаммад ибн Исҳоқ Маҳмашоз, Муҳаммад ибн Ҳайсам, Иброҳим ибн Муҳожир, Мажидуддин ибн Қидва каби вакиллари фаолият олиб боргандар (Mamatud, 1994:37). Карромийлар гарчи салжуқийлар даврида унчалик фаол бўлмаса-да, уларнинг эътиқоддаги хато қарашлари инсонлар орасида тарқалиб кетган эди.

Салжуқийлар давлатининг сўнгти султони Санжар даврида шиаликнинг ботинийлик фирмаси вакиллари кўпайиб кетган. Ботинийларнинг раҳбари Ҳасан Саббоҳ бўлиб, ўзига Эроннинг Аламут қалъасини марказ қилиб олган эди. Ботинийлар ўз манфаатлари йўлида сиёсий душманларини ўлдиришар эди. Султон Санжар дастлабки йилларда ботинийларга қарши кураш олиб бормаган. Тарихчи Бернард Льюис ушбу ҳолат бўйича: “Хукмронлигининг илк йилларида Султон Санжар ботинийларга кураш олиб бормагани, уларнинг кучайиб кетишига сабаб бўлди”, деб ёзди (Lewis, 1967:66).

Аббосийлар халифаси Мустаршид Биллаҳ (1118–1135) Султон Санжарни ботинийларга қарши курашмаслиқда айблайди. Бунга жавобан Султон Санжар халифага “Ботинийларга қарши аёвсиз курашиш ва унга халифа томонидан маънавий кўмак берилиши” мазмунида мактубжўнатади. Салжуқийларнинг сиёсий рақиби ҳисобланган Шарқий Африка, Миср ва Ироқ ҳудудларида ўз ҳукмронлигини ўрнатган фотимиийлар давлати эса, шиаликнинг ботинийлик эътиқодида бўлган.

Султон Санжар ва ботинийлар ўртасидаги илк жанг 1126 йилда бўлиб ўтган. Ушбу жангда Ҳасан Саббоҳ вафот этган. Жангдаги ғалабадан сўнг Султон Санжар вазири Муинуддин Абу Наср Аҳмад ибн Фазл Кошоний бошчилигидаги кўшинни Кўхистоннинг Турас, Нишопурнинг Байҳақ шаҳарларига, ботинийларга қарши “жиҳод” қилиш учун жўнатган. Кошоний бошчилигига аскарлар Мансура қалъасини ботинийлардан озод қиласди. Кейинги таянч қалья Маймундизни озод қилишда Кошоний вафот этади.

1127 йилда Султон Санжар ботинийларга қарши иккинчи марта кўшин тортди. Хуросон чўлида бўлиб ўтган жангда ўн мингга якин ботиний ўлдирилди. Ботинийлик маркази Аламут қалъасига хужум қилишни Ироқ салжуқийларiga топширилди. Рудбар шаҳрида эса, ботинийлар ғалаба қозонишиди. Жангда салжуқийлар кўмондони Темурдоған асирга олиниб, шаҳид қилинди.

1134 йилда Султон Санжар Хуросондаги Фирқўх қалъасини ботинийлардан озод қилиш учун Амир Аркуш бошчилигига кўшин жўнатади. Амир Аркуш қалъани қўлга кирита олмайди. Ботинийларга қарши сўнгти катта жанг 1151–1152 йилларда бўлиб ўтди. Султон Санжар ботинийлар кўл остидаги Турасини озод қиласди.

Ботинийларга қарши жангларда аббосийлар халифаси Мустаршид Биллаҳ ва унинг ўғли Рашид Биллаҳ, Мосул волийси Аксундур Порсукӣ, Дамашқ волийси Тожулмулк Борий, Муинуддин Кошоний, шофиий мазҳаби фақиҳи Абдуллатиф Хўжандий ва салжуқийлар кўмондони Темурдоғанлар вафот этган.

Салжуқийлар даврида минтақада мўътазилийлик ҳам мавжуд эди. Маҳмуд Газнавий томонидан таъқибга учраган мўътазилийлар, Тўғрулбек даврида муҳим давлат мансабларига ўзларининг тарафдорларини қўйишга ҳаракат килдилар. Тўғрулбекнинг вазири Амидулмулк Кундурий ҳам мўътазилийлик тарафдорларидан эди (Watt, 1963). Алп Арслон ва унинг вазири Низомулмулк даврида мўътазилийликка қаттиқ зарба берилиди. Султон Санжар даврида мўътазилийлик кам бўлса-да мавжуд эди. Бу эътиқодлар баъзи мўътазилийлик вакилларининг асарларида ўз аксини топган. Бу даврда мўътазилийлардан Маҳмуд Замахшарий (1075–1144), Абу Мудар Маҳмуд ибн Жарир Исфаҳоний (ваф. 1113), (1075–1144), Рукниддин Ибн Малоҳимий (ваф. 1141) каби олимлар фаолият олиб борган.

ХУЛОСА

Хулоса ўрнида шуни айтиш мумкинки, салжуқийлар ҳукмронлик қилган ҳудудларда суннийлик (ҳанафийлик мазҳаби) мавқеини мустаҳкамлаш сиёсатини олиб боришида, энг аввало, ўзларининг сиёсий рақибларини заифлаштиришга эътибор қаратдилар. Мазкур вазифаларни амалга оширишда улар Хуросон ва Мовароуннахрнинг

ҳанафий ва шофеий олимлари хизматларидан фойдаланишган. Бу орқали салжуқий султонлар ўзларини “суннийлик химоячилари” сифатида намоён қилганлар.

Мамлакатдаги диний-сиёсий вазиятнинг мураккаблиги, давлат чегараларининг узунлиги, турли дин вакилларининг кўплигига қарамасдан, салжуқийлар даврида ислом илмлари тараққий этгани билан ажralиб туради. Салжуқийлар даврида Мовароуннахр ва Хурросонда нафақат диний илмлар балки, дунёвий илмлар ҳам ривожланган. Давлатнинг турли ҳудудларида қурилган “Низомия” мадрасалари фаолияти бунга яққол мисол бўла олади. Мовароуннахр ва Хурросонда ёзилган аксарият мўътабар-диний манбалар ҳам салжуқийлар даврига тўғри келади.

МАНБА ВА АДАБИЁТЛАР РЎЙХАТИ

1. Abdülkerim Özaydin. (1990). Sultan Muhammed Tapar Devri Selçuklu Tarihi. Ankara: TTK Yay.
2. Ahmed bin Mahmud. (2011). Selçukname. C. 1. İstanbul: Bilge Kültür Sanat.
3. Bernard Lewis. (1967). The Assassins a radical sect in islam. London: Weidenfeld & Nicolson.
4. Carter Findley. (2005).The Turks in World History. Oxford: Oxford University Press.
5. Clifford Edmund Bosworth. (1992). The Ghaznavids, their empire in Afghanistan and Eastern Iran 994–1040. New Delhi: Munshiram Manoharlal Publishers Pvt. Ltd.
6. Clifford Edmund Bosworth. (1996). The islamic dynasties. Edinburgh: Edinburgh University Press.
7. N.Kösoğlu. (1991). Türk Dünyası ve Türk Medeniyeti Üzerine Düşünceler. İstanbul: Ötüken Yay.
8. Margaret Malamud. (1994). The Politics of Heresy in Medieval Khurasan: The Karramiyya in Nishapur // Iranian Studies, volume 27. Oxfordshire: Routledge.
9. Montgomery Watt W. (1963). The Political Attitudes of the Mu'tazilah // Journal of the Royal Asiatic Society, Vol. 95, Issue 1–2. Cambridge: Cambridge University Press.
10. Raverty H.G. (1873). The Tabakat-i-Nasiri of Minhaj-i-Siraj. London: Gilbert and Rivington.
11. Richard W. Bulliet. (1972). The Patricians of Nishapur. Cambridge: Mass., Harvard University Press.
12. Steven Runciman. (1951). A History of the Crusades. The first Crusade and the Foundation of the Kingdom of Jerusalem. Vol. 1. New York: Cambridge University Press.
13. Абдулқоҳир Бағдодий. (1995). Ал-Фарқ байна-л-фиқр. Байрут: Мактабат ал-асрийя.
14. Абу Абдуллоҳ Мұхаммад ибн Ахмад Мақдисий. (1991). Ахсан ат-такосим фи маърифат ал-ақолим. Қохира: Мактабат мадбул.
15. С.Г.Агаджанов. (1991). Государство Сельджукидов и Средняя Азия в XI–XII вв. Москва: Наука.

16. В.В.Бартольд. (1963). Сочинения. Т. 2. часть 1. Общие работы по истории Средней Азии. Работы по истории Кавказа и Восточной Европы. Москва: Восточной литературы.

17. Ибн Асир. (1987). Ал-Камил фи ат-тарих. Ж. 8. Байрут: Дор ал-кутуб ал-илмийя.

18. Ибн Халликон. (2007). Вафаёт ал-аъён. Ж. 4. Байрут: Дор ас-садр.

19. Ш.М.Мустафаев. (2017). От Сельджуков к Османам. Этнополитические процессы в тюркской среде Малой Азии в XI–XV веках. Москва: Институт востоковедения РАН.

20. Мұхаммад ибн Али ибн Сулаймон Ровандий. (2005). Роҳат ас-судур ва аят ас-сурур фи тарих ад-давлат ас-салжукийя. Қохира: ал-Мажlis ал-аъала ли-с-сақофа.

21. Повествование варданета Аристакэса Ластивертци. (1968). Перевод с древнеармянского, вступительная статья, комментарий и приложения К.Н.Юзбашяна. Москва: Наука.

22. Садриддин Абул Ҳасан Али ибн Носир Ҳусайний. (1984). Ахбор ад-давлат ас-салжуқия. Байрут: Дор ал-офоқ ал-жадийда.

23. Тожуддин Субкий. (1964). Табақот аш-шофеия ал-кубро. Ж. 4. Қохира: Дор-ал-хијр.

REFERENCES

1. Abdülkerim Özaydin. (1990). Sultan Muhammed Tapar Devri Selçuklu Tarihi. Ankara: TTK Yay.
2. Ahmed bin Mahmud. (2011). Selçukname. C. 1. İstanbul: Bilge Kültür Sanat.
3. Bernard Lewis. (1967). The Assassins a radical sect in islam. London: Wyeidenfeld & Nicolson.
4. Carter Findley. (2005).The Turks in World History. Oxford: Oxford University Press.
5. Clifford Edmund Bosworth. (1992). The Ghaznavids, their empire in Afghanistan and Eastern Iran 994–1040. New Delhi: Munshiram Manoharlal Publishers Pvt. Ltd.
6. Clifford Edmund Bosworth. (1996). The islamic dynasties. Edinburgh: Edinburgh University Press.
7. N.Kösoğlu. (1991). Türk Dünyası ve Türk Medeniyeti Üzerine Düşünceler. İstanbul: Ötüken Yay.
8. Margaret Malamud. (1994). The Politics of Heresy in Mediyeval Khurasan: The Karramiyya in Nishapur // Iranian Studiyes, Vol. 27. Oxfordshire: Routledge.
9. Montgomery Watt. (1963). The Political Attitudes of the Mu'tazilah // Journal of the Royal Asiatic Society, Vol. 95, Issuye 1–2. Cambridge: Cambridge University Press.
10. H.G.Raverty. (1873). The Tabakat-i-Nasiri of Minhaj-i-Siraj. London: Gilbert and Rivington.
11. Richard Bulliyet. (1972). The Patricians of Nishapur. Cambridge: Mass., Harvard University Press.
12. Steven Runciman. (1951). A History of the Crusades. The first Crusade and the Foundation of the Kingdom of Jerusalem. Vol. 1. New York: Cambridge University Press.

13. Abdulqohir Bag'dodiy. (1995). Al-Farq bayna-l-firoq. Beirut: Maktabat al-asriyya.
14. Abu Abdulloh Muhammad ibn Ahmad Maqdisiy. (1991). Ahsan at-taqosim fi ma'rifat al-aqolim. Cairo: Maktabat madbul.
15. S.G.Aгаджанов. (1991). Gosudarstvo Seldjukidov i Srednyaya Aziya v XI–XII. Moscow: Nauka.
16. V.V.Bartold. (1963). Sochineniya. J. 2. chast 1. Obshchiye raboti po istorii Sredney Azii. Raboti po istorii Kavkaza i Vostochnoy Yevropy. Moscow: Vostochnoy literaturi.
17. Ibn Asir. (1987). Al-Kamil fi at-tarix. J. 8. Beirut: Dor al-kutub al-ilmiyya.
18. Ibn Xallikon. (2007). Vafayot al-a'yon. J. 4. Beirut: Dor as-sodr.
19. Sh.M.Mustafayev. (2017). Ot Seldjukov k Osmanam. Etnopoliticheskiye prosessy v tyurkskoy srede Maloy Azii v XI–XV vekax. Moscow: Institut vostokovedeniya RAN.
20. Muhammad ibn Ali ibn Sulaymon Rovandiy. (2005). Rohat as-sudur va ayat as-surur fi tarix ad-davlat as-saljuqiyya. Cairo: al-Majlis al-a'ala li-s-saqofa.
21. Povestvovaniye vardapeta Aristakesa Lastivertsi. (1968). Perevod s drevnearmyanskogo, vstupitelnaya statya, kommentariy i prilожeniya K.N.Yuzbashyan. Moscow: Nauka.
22. Sadriddin Abul Hasan Ali ibn Nosir Husayniy. (1984). Axbor ad-davlat as-saljuqiya. Bayrut: Dor al-ofiq al-jadiyda.
23. Tojuddin Subkiy. (1964). Tabaqot ash-shafi'iya al-kubro. J. 4. Cairo: Dor-al-hijr.

